



Islamhouse.com




المحتوى الإسلامي

# Lislaoongã Těn-tuumã a Muhammad ﷺ

Wënd puusg la A tulgr be a yīnga



موري



**Lislaongã Tẽn-tuumã a  
Muhammad, -Wẽnd puusg  
la A tulgr be a yĩnga**



## شركاء التنفيذ:



المحتوى الإسلامي



رواد الترجمة



جمعية الربوة



دار الإسلام

يتاح طباعة هذا الإصدار ونشره بأي وسيلة مع  
الالتزام بالإشارة إلى المصدر وعدم التغيير في النص.



Telephone: +966114454900



ceo@rabwah.sa



P.O.BOX: 29465



RIYADH: 11557



www.islamhouse.com

Lislaoongã Těn-tuumã a Muhammad, -Wënd  
puusg la A tulgr be a yĩnga

## **Ne Wënd Yuurã Albarka, sěn ya a Dũni gũbg n yols Naabã, n ya a yooolem raar welg n yols Naabã!**

---

Yaa yõngr bilfu, sěn kēed lislaoongã Těn-tuumã a Muhammado<sup>1</sup> -  
Wënd puusg la A tulgr be a yĩnga- yelle, ti m vēnegd a pugē n wiligd a  
yuurã, la a buudã, la a tēngã, la a furã, la a tēn-tumďã, la a sěn bool n  
tug būmb ningã, la a nabiyaamdmã tagmas-rãmbã, la a Šari wã, la a  
zabd-n-taasã na-kēndr ne-a.



---

<sup>1</sup> M gũusa wũsgo, n tōkd wakat fãa gom-biis a yiiĕ (Těn-tuumã ne a  
Muhammad) ti yaa gũusgu ne gomďã sěn na n lebg n tug bu-zēngã yĩnga, bi b gũus  
rē.

# 1-A yuurā, la a buudā, la tēng ninga a sēn roge la a bi a pugē wā.

---

Lslaoongā Tēn-tuumā, yē la a Muhammad, sēn yaa a Abdullaah biiga, sēn yaa a Abdul Muṭalib biiga, sēn yaa a Haašim biiga, b yii a [smaa'ul yagensē wā sēn yaa a [braahum biigā, tulgr be b yīnga; La rēnda, yaa tī Wēnd Nabiyaama a [braahuma, tulgr be a yīnga, a yii Šaam n wa Maka, t'a paga a Haaḡar rag n be ne-a, ne a biiga a [smaa'ul, la mikame t'a na n be nugē. La a zīndga b yii bā Maka, ne sagell sēn yi Wēnd nengē, A Naam yī wagell n zēke, la biigā sēn wa n bi wā, nabiyaamā a [braahum waa Maka, tulgr be a yīnga, n me Kaabā sēn yaa Lohorm Doogā, yē ne a biiga a [smaa'ul, tulgr be b yii bā yīnga, tī nebā wusg Roogā kuremse, tī Mak lebg toglg zīiga ne Wēnd tūudbā sēn yaa bōn-naands Naabā, sēn nong b n maan Hiḡiimdā, la nebā kell n kēnga ne Wēnd tūudmā la A yembgā, n be a [braahum sorā zugu tulgr be ne-a, yuum kobs pugē, Rē poorē tī ḡōdgr wa kē, tī Laarāb-rāmbā zamaanā tēmsā halhaalā lebg wala tēms taaba sēn be a kurensā, sēn yaa dūni wā tēms fāa gilli, kufēndā yelā n wil a pugē: wala rubsā tūubu, la koam-pugli busb vuse, la pagb wēgbo, la zīri-beed goam, la rāam yūubu, la yel-beed maanego, la kubs arzēgs rubo, la rabaag reegre... Zī-kāngā, la yalε-kāngā puga, la lslaoongā Tēn-tuum rogyā a Muhammad sēn ya a Abdullaah biiga, sēn yi a [smaa'ul yagensē wā a [braahum biigā, tulgr be b yīnga, yuum 572, a Yisa rogmā loogr poorē, a saambā maana kaalem taoor t'a na n ka rog ye, t'a ma wā maan kaalem a yuum a yoob wakato, t'a saam-bila a Abuu Ṭaalb wub-a, rēnd a vumame n yaa kuba, n yaa talga, la a rag n yume n ritē la a baood paango ne a nug tuuma.



## 2-Albark furã loese ne albark pagã:

---

La a yuumã sën wa n yaa pisi la a nu wã, a fura paga, sën yaa Mak pagba yembre, a hadiiğa, sën yaa a hıwaylıd bi-puglã, Wënd yard be a yĩnga, la Wënd lok-a la a nengë koam-pugli a naase la koam-ribli a yiibu, la a koam-ribli wã maana kaalem b yãadrã wakato, la a tumd-n-taarã ne a pagã la a zakã rãmbã rag n yume n yaa bugsg wusgo la noanglem, rë n kut t'a paga a hadiiğa bu-a noanglem sën yaa wusgo, yë me yı a la noanglem, la a ka yĩm a pagã yelle, halı n tug n tãag a kaalemã poorë yuum woko. La a ra yume n kodgd pesg n put a hadiiğa zao-rãmba, Wënd yard be b yĩnga, n waoogd-ba, tı yaa mangr ne a pagã, n leb n yaa gũusg ne noanglem ning sën da be bãmb suka.



### 3-Wahı wā (tumsgā) sungre

Tēn-tuum a Mohammad, Wēnd puusg la A tulgr be a yīnga, ra yum n da be zugd sēn yaa zısg zugu Wēnd sēn naan-a wā teka, la nebā rag n boond-a lame tı Aşşaadık Al-amiin (sıd-soab sēn yaa bas-m-yam soaba), la a rag n yume n lagemd-ba tuum sōmbsā pugē, la a kisgd būmb ning bāmb sēn be a zugā, sēn yaa kufēnd tuumā, a ka lagemd-b a pugē ye.

La a sēn wa n ta yuum pis naase -mikame t'a rag n bee Maka- la Wēnd na n tūus-a t'a na n yı Tēn-tuuma, tı Malek a Gibriil tulgr be a yīnga waa a nengē, ne suura ning sēn yaa pipi n sig Alkurāan pugē wā zugu , yē me la Wēnd koεeg sēn yeele, A Naam zēkyā:

﴿أَقْرَأْ بِاسْمِ رَبِّكَ الَّذِي خَلَقَ ﴿١﴾ خَلَقَ الْإِنْسَانَ مِنْ عَلَقٍ ﴿٢﴾ أَفَرَأَىٰ أَلْبَسَكَ الْأَكْرَمَ ﴿٣﴾ الَّذِي عَلَّمَ بِالْقَلَمِ ﴿٤﴾ عَلَّمَ الْإِنْسَانَ مَا لَمْ يَعْلَمْ ﴿٥﴾﴾ [العلق: 1-5]

(Karem ne f Soab ning sēn naana wā yuure.(1) A naana ninsaala sēn stng ne zı-pelle (2) Karem, tı fo Soabā n yud ne kūuni.(3) Sēn wilg-a kaal-moogā gılsgo (4) A wilga ninsaala būmb ninga a sēn da pa mi. (5) [Al-Alak 1-5].

T'a wa a paga a hadiigā nengē, Wēnd yard be a yīnga, t'a sūurā rigda, n togs-a kibarā, t'a kēes-a yīn-yōnggo, la a tall-a n kēng ne a sāmhubā biig nengē, a Warakat sēn yaa a Nawfal biigā -la yē rag n yume n kē Nasaar-rāmbā dīnē, n karem Tawraatā la Lingiilā, t'a hadiigā yeel-a: " m sāmhub biiga! Kelg f saam-biigā biig koεega". T'a Warakat yeel-a: " m saam-biig biiga! Yaa bōe la fo ne?" Tı Wēnd Tēn-

tuuma, -Wënd puusg la A tigr be a yīnga- togs-a a sēn yā būmb ningā kibare, t'a Warakat yeel-a: (Yā wā la Naab no-rees ning sēn sig a Muusā wā, kato, m sā n da paamē n ket n vi wakat ning fo nebā sēn wat n na n yiis foomā, tī Wënd Tēn-tuuma, Wënd puusg la A tigr be a yīnga, yeel-a: " b na n yiisa maam laa?" T'a yeele: " n-yeel! ned ka wa ne fo sēn wa ne būmb ningā lae, rēndame tī b maan-a beem, la fo raarā sā n paam maam, m na sōng-f sōngr tekē)<sup>2</sup>.

La Mak pugē, Alkurāanā kell n tonga taab n sigd a zugu, t'a Gibriil sigd ne-a, tigr be a yīnga, n yi bōn-naands Naab nengē, wala a sēn leb n wat a nengē ne tēn-tumdā yel-welsdsā.

La a kellame bala n boond a nebā n tugd lslaoongā, t'a nebā bas-a la b zab ne-a, la b togs-a kūuni t'a reeg la a bas a Tēn-tumdā, ligdi la naam, t'a tōdg rē fāa gilli. B yeel-a lame wala nin-bedā sēn da yeel-b tēn-tuumbā sēn da reng taorā: tī yaa tum soaba, yaa zīri-be-neda, la pas-n-rogl-soaba, la b weoog-a, la b yīd-a a yīngē wā, la b nams a pugdbā, La Tēn-tuumā kell n ka bake -Wënd puusg la A tigr be a yīnga- Mak pugē wā n boond n tugd Wēnde, la a kēnged Hagiimdā wakato la Laarab-rāmbā raasē sēn yaa sūdumsā, n sedg nebā beenē, n wilgd-b lslaoongā, la a ka tol n belg ned me ne dūni maa zugēnd ye, a ka bugs ned me ne suuga. Rēnd a ra ka tar pānga, a ra ka yi n yaa naaba. La a waa ne gees-n-taare a boolgā sungrē bala, tī b tōog n wa ne yē sēn wa ne būmb ningā buudu, sēn yaa Alkurāan wagellā, rēnd a ka bak n geesd a zabd-n-taasā ne yell-kānga ye, tī neb nins sēn na n kō sūd ne-a wā, sēn yaa Şahaab wagsā kō-a sūda, Wënd yard be b fāa

---

<sup>2</sup> A Albuḥaarū la a Muslim n reeg-a, sēn yi a 'Aatša hadiisē wā, Wënd yard be a yīnga, Şahūh Albuḥaarū (2) 1/7, la Şahūh Muslim (153) 1/139.



yīnga. La Mak pugē wā Wēnd waoog-a lame ne yel-solemd zisgā, yē me la [sraa'u (Yun-kēnde), n kēng Bayt Almakdas(Fulstun), rē poorē t'a ruug beenē n kēng saasē wā, la būmb ninga sēn yaa b sēn mi, yaa tū Wēnd zēkame n tug saasē wā nabiyaama a [lyaase la a Sus-tu-maage,tulgr be b yīibā yīnga, wala sēn togse moeembā nengē wā la Nasaar-rāmbē wā. La Nabiyaamā, Wēnd puusg la A tulgr be a yīnga, a reega sagl tū b puussā saasē wā, yē me la Puusg ninga lūslaambā sēn puusdā noor a nu raar pugē wā, la Mak -yasa- la yel-soalem kāseng a to wā me leb n yū, yē me la kiuugā pārgre, halū tū kīfr-rāmbā yā-a.

La Kurayš kīfr-rāmba ruka sor buud fāa, sēn na gūd Nabiyaama, sēn na yū n nams-a la b zāag nebā ne-a la b maan koko kegeng wusgo yel-soalemā la tagmas-rāmbā baooob pugē, n kos sōngr ne Yahuud-rāmba, tū b kō bāmba daliil-rāmba sēn na sōng-ba tū b paam n wē no-koεma ne-a la b gūd nebā n yī-a.

La Kurayš kīfr-rāmbā b lūslaambā namsgā sēn wa n tongā, Nabiyaamā -Wēnd puusg la A tulgr be a yīnga- kō-b la sore tū b yīki n kēng Habaša (Etioopi), la Nabiyaamā, Wēnd puusg la A tulgr be a yīnga, yeel-b lame: "ad naab n be beenē, n yaa tēeg turg soaba, b ka wēgd ned a nengē ye" .La a ra yaa naaba, sēn yaa Nasaar-rāmbā dīinā neda. Tū sul a yīib sēn yī Sahaabsā pugē na n yīk n kēng Habaša, la boabdbā sēn wa n ta Habašā wā, b goma ne naabā sēn yaa a Naḡaašū wā, dīin ninga Nabiyaama a Muhammad Wēnd puusg la A tulgr be a yīnga, sēn wa ne dīin ningā, t'a kō sūda la a yeele: "yā wā -m wēend ne Wēnde- ne būmb ninga a Muusa -tulgr be a yīnga- sēn wa ne wā, b yīta tuk a yembr pugē. Tū Nabiyaama nebā sēn namsd-a wā kell n kiigd a zug, yē ne a Ṣahaabsā.

La neb nins sēn kō sūd ne-a hagiimdā zīisē wā, yaa neb sēn yi Madiina n wa, tū bāmb rāmba na n balm-a ne lslaoongo la b na n sōng-a lame tū b sā n wa bāmb tēngē wā, la b ra boonda beenē tū (Yaṭṛṭb), t'a kō sor ne neb nins sēn da kell yē Ṣahaabsē wā n da be Makā, tū b yik kēng Madiina, tū b yik n kēng beenē, tū lslaoongā sāeeg Madiina, halū tū zak ka be beenē, rēndame tū lslaoongā kēe-a lame.

La Nabiyaamā, Wēnd puusg la A tulgr be a yīnga, sēn maan yuum piig la tāab Mak pugē, n boond n tugd Wēnd nengē, Wēnd kō-a la sor t'a yik n kēng Madiina, t'a na n yik -Wēnd puusg la A tulgr be a yīnga- n tug be, n kell n tong ne boolā n tug Wēnd nengē wā, tū lslaoongā Ṣari-rāmba sikrā kell n puglg taaba Madiina, yembr yembre, t'a sung moasa n tumsd a tēn-tumdbā ne sebā(leta) n tugd buud-rāmbā taoor-rāmbē la nanambsā, tū b boond-b n tugd lslaoongā, la sēn be a sēn tum tū kēng neb nins nengē wā, yaa Rom naabā (Yuunaan), la Furs(lraan) naabā la Misr (Ezipt) naabā.

La Madiin la yell ning sēn yaa wīntoogā sobgrā yī-yā, tū nebā yeese, la ra-kāng zemsa Nabiyaama -Wēnd puusg la A tulgr be a yīnga- biigā a [braahum kūumaa, tū nebā yeele: "ad wīndgā sobgame a [braahum kūumā yīnga" Tū Nabiyaama, -Wēnd puusg la A tulgr be a yīnga- yeele: (Ad kiuugā la wīntoogā, b ka sobgde ned kūum yīnga, ka ned vum yīng me, la ad b yībā, b yaa yel-soalem sēn yi Wēnd yel-soalmā pugē, tū Wēnd tar b yībā n bugsd ne A yembsā)<sup>3</sup> Rēnd Nabiyaamā, -Wēnd puusg la A tulgr be a yīnga-, a sā n dag n yume n yaa zīri-be-neda, a na n yāgame n bugs nebā tū b ra yags-a ye, la a yeel tū "ad wīntoogā, a

---

<sup>3</sup> Ṣaḥūh Muslim (901)

sobgame mam biigã kuum yĩnga, rënd na n yi wãn-wãna ne ned ning sën yagsda maam?

La Tën-tuumã, Wënd puusg la A tulgr be a yĩnga- a Soabã nags-a la ne zug-wagla, la Wënd sıf-a lame ne A koεεg A sën n yeele:

[العلق: 4] ﴿الَّذِي عَلَّمَ بِالْقَلَمِ﴾

(La ad fo bee zug-wagall zugu) [Surrat Alkalamu: 4]

Rënd a yume tu b sıfd-a ne zug-söng fãa, wala sıda, la pu-peelem, la raodo, la tēeg tırğa, la alkaool pidsgu halı n tu tãag ne a zabd-n-taas fãa, la kũuni, la a noang doos maanego ne tals la nimbãan-neba, la pug-kõpa la tulsem-rãmba. N leb n tar noang kegeng ne a na kãndag-ba, n maand yolsg ne-ba, n gãnegd a meng ne-ba, halı tu ned sën yaa sãana, a watame n baood Tën-tuumã -Wënd puusg la A tulgr be a yĩnga- n sokd a Şahaabsã -Wënd yard be b yĩnga- a yelle, n mik a be b sukã t'a ka mi-a ye, n yetë: " yaa ãnda la a Muhammad yãmb sukã?"

La a Surã wã (vumã kibayã) yaa yel-soalem tekë a sën pid keelem, la tırlım a tumd-n-taarã pugë ne nebã fãa gilli: à be la a zao, sën pë-a la sën zãra, la kãsem la biigã, la rao la paga, we-rũmsã la bõn-yıgdu wã.

La wakat ning Wënd sën wa n pids dıĩnã n kõ-a wã, tu Tën-tuumã -Wënd puusg la A tulgr be a yĩnga- sën wa n taas a tën-tumdã taasg tekë, a maana kaalem ta yuumã yaa yuum 63 (pis-yoob la a tãabo), yuum 40 (pis naas) n be a pugë taor t'a na n ka yi Nabiyaam ye, tu yuum 23 (pisi la a tãabã) t'a yaa Nabiyaama n yaa Tën-tuuma. La b

mum-a la Madiina-Wënd puug la A tulgr be a yīnga- a ka bas arzeka, a ka bas faado, sã n ka a boang-wεεgã sēn yaa pεεlgã, a sēn da zao a soabã, la puug a sēn maan ti yaa doaaga kēn-kēndbã yīnga.<sup>4</sup>

La neb nins sēn da sak n na n tū dīinã la b kō sid ne-a la b pug-a wã, b sōorã rag n yaa wusgo, la tūu-a lame n kēng hagiimdē wã, sēn yaa a Şahaabsã sãnda Wënd na wat ne hagiimdē wã, sēn yud neb 100 000 (tus koabga) la rēnda yu taoor t'a na ka maan kaalem kiiug a tãabo, rēnd tōoeme ti yaa woto la a dīinã gūubã la a sãaegrã sabab-rãmb sãnda. La a Şahaabs nins a sēn da wub-b rãmb ne lslaoongã zugdã la a na-kēndrã, n yaa Şahaabse (tūud-n-taas) sēn yud sōmblem, turlem, la dūni yīgsgē la nedemdo la alkaool pidsgu, la kūun la nidig-pãnga dīin-kãngã poorē sēn yaa dīin zısgã, b sēn kō sid ne-a wã.

La a Şahaabsã, sēn wa n tug n yud bedrem -Wënd yard be b fãa yīnga- ne liimaoongo la bãngre la tuuma, la pu-peelem, la sidgre, la kūuni la raodo, yaa a Abuu Bakr Aşşıdiik (sēn yaa sid-kõtã), la a 'Umar [bn Al-ḥaṭṭaab la a 'Uṭmaan [bn 'Affaan, la a 'Ali [bn Abṭaalib, Wënd yard be b yīngã, la bãmb bee neb nins rēenem sēn kō-b sid ne-a la b sidg-a wã, la yu bãmb me la ledsba Nabiyaamã poorē, neb nins sēn zēk lslaoongã Lεema a loogrã poorē, b ra ka tar baa fu sēn yaa Nabiyaamdīmã yel ye, a leb n ka welg-b ne bumb n kō-ba ti pa tū ne Şahaabs nins sēn kellã fãa ye, Wënd yard be b yīnga.

La Wënd gūu a Gaf ning A sēn sik n kō-a wã, la a sunnah, la a Surã wã (vumã kudemde) la a koesã, la a tuumã ne a buuda gomd ninga a sēn gom ne wã, la b ka gū ned Sura (vum yelle) -dūni wã sungr tekē-

---

<sup>4</sup> Şahuh Al-buḥaarū (4461) 6/15.

wala b sēn gūus a vumã yellã -Wēnd puusg la A tulgr be a yīnga- b pus  
n gūus a sēn gōe to-to la a sēn rute la a sēn laade. La a sēn da tumd  
ne a zakã-rãmb to-to a zakã pugē? La a yelã fãa yaa bũmb b sēn gūusi,  
n kuls-a a surã wã (vumã yel) pugē, rēnd a yaa yīng soaba, n yaa Tēn-  
tuuma, a ka tar Rubuubiya (Sobendmã) yell baa kidg ye, a ka so a  
meng yīng nafa maa namsg ye.



## 4- A Tën-tumdã

---

Wënd tumsa a Muhammad Wënd puusg la A tulgr be a yĩnga, lagem-n-taarã la kufëndã la zulmã sën wa n gũbg dũni wã ween-vusã fãa, tĩ tẽngã poor zugu, ned ra ka be beenẽ, n tũud Wẽnde, n ka maan lagem-n-taar ne-A ye, sã n ka bilf bala sën yaa neb saare, sën yi Gafa taabã rãmbẽ, tĩ Wẽd tums a Tën-tuumã a Muhammad -Wënd puusg la A tulgr be a yĩnga- t'a yaa Pidsda ne nabiyaam-rãmbã la tẽn-tuumbã, Wënd tums-a lame ne kãndagre la dũin sën yaa sũda, bõn-naandsã fãa gill yĩnga, bul yĩng t'a na wa n wil dũin-rãmbã fãa gilli, la a na yiis nebã lagem-n-taarã la kufëndã la zulmã ligsẽ n tug Wënd yembgã la sud-kũunã vëenemẽ. La a tẽn-tumdã yaa sën pids tẽn-tuum-rãmb nins sën reng taorã puusg la tulgr be b yĩnga.

La a boolame n tug bũmb ning fãa nabiyaam-rãmbã la tẽn-tuumbã sën bool n tugã tulgr be b yĩnga: A Nuuh la a [braahum la a Muusa la a Sulaymaan la a Daawud la a [isa- sën yaa sud-kũuni tĩ Soabã Yẽ la wẽnde sën ya a Naandã, n ya a Rũgdã, n ya a Vuugdã, sën ya a Kuudã, n ya a Naam Soadã, la Yẽnda la sën kẽnsd yelã, la Yẽnda la a nimbãan-zoeta, n ya a Yoalsda, la Wẽnde, Yẽ la Nannda bũmb ning sën be ween-n-vuugã fãa gill pugẽ wã, tõnd sën ne la d sën ka ne wã, La zẽng sën ka Wënd fãa yẽ yaa bõn-naandga sën yi A bõn-naandsẽ wã.

Wala a sën boole n tug Wënd tũudum a Yembr tãa, la b bas zẽng sën ka Yẽnda tũudum, la a vëneg vënegr tekẽ tĩ ad Wënd yaa A Yembre, lagem-n-taar ka be ne-A ye, A tũudmã pugẽ, la A Naamã pugẽ, la A Naanegã pugẽ la A kẽnesgã pugẽ. La a vënegdẽ -vënegr tekẽ tĩ ad Wënd yaa yembre lagm-n-taar ka be ne-A A tũudumã pugẽ maa A naama pugẽ maa A naangã maa A rabgã, la a vëne g tĩ Wẽnde

-A Naam yulgame- A ka roge b ka rog-A , A ka tar mak-n-taaga A ka tar bilig-n-taaga, laa A ka sigid baa fuu pugẽ A bõn-naandsẽ wã A leb n pa rkd a yĩngã n lebg-a ye.

La a boolame n tug sid-kũuni ne Gaf-rãmb nins sãn yaa Wẽnd Gaf-rãmbã sãn reng taoore, wala a [braahum la a Muusa Gaf-rãmba, puusg la tulgr be b yĩbã yĩnga, la Taooraatã la Zabuurã la Lingiiliã. Wala a sãn boole n tug sid-kũuni ne tẽn-tuumbã fãa gilli, tulgr be b yĩnga, la a wĩnig tu ned ning sãn yags nabiyaam a yembre, a kfla ne nabiyaam-rãmbã fãa gilli.

La a kõ nebã fãa gill kiba-noogo ne Wẽnd Yolsgã, la Wẽnd n na n sek-ba dũni kaanẽ, la ad Wẽnde, Yẽnda la Naabã n ya a Yolsda, la Yẽnda A Yembr tãa n na n geel bõn-naandsã Yikra raarã A sãn wat n vuug-ba b kũumã poorẽ n yi b yaadẽ wã, la ad yaa Yẽnda me n na n rol sid-kõtbã b tuum sõmã wã wala b sãn tumã buud bilgr piiga, la tuum wẽng (rolb) yaa wala tuum wẽngã buud bala. B leb n tara vi-noogo sãn duumdi Yaoolem raarã. La ned ning sãn kfla la a tum tuum wẽnse, a na n paama a rolb dũni kaanẽ la yaollem raarã.

La Tẽn-tuum a Muhammad -Wẽnd puusg la A tulgr be a yĩnga- a tẽn-tumdã pugẽ a ka waoog a buudã a ka waoog a tẽngã ka a mengã sãn yaa zısgã, pus n waa Alkurãan wagellã pugẽ nabiyaam-rãmbã yui, a Nuuhu la a [braahum la a Muusa la a [ısa, tulgr be b yĩnga, n yud Nabiyaamã yuurã sãn wa wã , la b ka togs a ma wã yuure ka a pagbã yui me Alkurãan wagellã pugẽ ye. La waa Alkurãanã pugẽ, a Muusa ma wã yell togsgo sãn pa vugri, la a Maryam -tulgr be a yĩnga- a yuurã puda a pugẽ noor 35 (pis-tã la a nu).

La Těn-tuum a Muhammad -Wěnd puusg la A tulgr be a yīnga- b gūu-a lame n yi ne būmb fǎo gill sěn yōsgd Šari wǎ la yam la Fıtra (rog- ne wǎ) maa zug sōng sěn ka sakd būmb ningǎ, bala nabiyaam- rāmba,puusg la tulgr be b yīnga, b gūb lame n yi yōsgre būmb ning b sěn taasde sěn yi Wěnd nengě wǎ, la yaa bāmb me la b sěn rogl-b rāmb tı b taas Wěnd saglsǎ A yembsě wǎ. La nabiyaam-rāmbǎ b ka tar būmb sěn welg ne bāmba sěn yaa Rubuubiya (Sobendem) yell ye, bı Ulubhiya (Sobend tūuds) ye. Pus n ka woto ye, bāmb me yaa yīns rāmba wala neb a taabǎ, tı Wěnde -Anaam zēkyǎ- tumd A těn-tuma tı kēngd b nengě.

La kaset-rāmb sěn tug n be beeně n yuda, n wīngd tı Těn-tuum a Muhammad-Wěnd puusg la A tulgr be a yīnga- Těn-tumdǎ yaa sěn tum tı yi Wěnd nengě wǎ, yaa sěn mik tı halı n tı tǎag rūndǎ a beeme, wala a sěn dag n yaa a soaba Nabiyaamǎ vumǎ wakatǎ, tı neb tūud-a sěn yud lıslaam Milyaare(1 000 000 000), b maanda a waagib-rāmbǎ sěn yaa Šari wǎ, wala Puusgǎ ,la Zakǎ, la no-loeerǎ la Higiimdǎ, la zēng sěn ka rēnda, tı ka tū ne toeengo maa golengo.





## 5- A Nabiyaamdmã tagmas-rãmbã la a daliil-rãmba

---

Wënd kengda A Nabiyaam-rãmba ne yel-soalm sën wiligd ti b yaa nabiyaam-rãmba, la A leb n köt-b töogre la gom-n-lub sën wilgd b tẽn-tuumdmã, la ad Wënd koo nabiyaam fãa sën yaa yel-soalmã, bumb ning sën sekdti ninsaalbã koo suda ne a buudã, la yel-soalem-rãmb nins b sën koo nabiyaam-dãmbã sën tug n yaa zısg n yuda yaa tønd Nabiyaama a Muhammad yel-soalem-rãmbã Wënd puusg la A tulgr be a yĩnga, bala Wënd koo-a la Alkurãan wagellã, yẽ me la yel-solemde sën kelle tẽn-tuumbã yel-soalem-rãmbẽ wã n na n tug n tãa dũni wã yikr raare. Wala Wënd sën keng-a ne yel-soalem-rãmbã sën yaa bedã, la Tẽn-tuuma a Muhammad -Wënd puusg la A tulgr be a yĩnga- yel-soalem-rãmbã yaa wusgo, sën be b pugẽ:

yaa [sraa'u la Ml'raağ (Yun-këndã la Yun-duurã), la kiuugã pãrgr, la sa-koomã kiigri noor wusgo a sën kos a Soabã poorẽ t'A yũnug nebã war sën paam-b poorẽ.

La rub maan ti lebg wusgo, la koom sën yaa kidg wusgre, ti neb sën yaa wusg rı-a maa b yũ-a.

La a sën köt kibay ne yel-soondı sën loogã ned baa a yembr ka bãng a sën yı to-to ye, la yaa Wënd n togs-a, wala nabiyaam-rãmbã kibayã -tulgr be b yĩnga- bãmb ne b nebã yelle, la vadgã rãmb kibarã.

La a sën köt kibay ne yel-soandı sën wate, ti sid yı rẽ loogr poorẽ, ne Wënd sën dag n koo-a kibar A Naam yulgame, wala bugum ning

kibar sēn yit Hiḡaaz tēngā wēngē, tı neb nins sēn be Šaam yā-a. La nebā sēn na n wa met meoongā n tomdā.

La Wēnd sēn sek-a la A gū-a n yi nebā.

La α sēn pulem α Šahaabsā tı yı wā, wala a sēn yeel-ba: (Ad yāmba na n paka Faaris la Ruum, la ad yāmb n na n rik b arzogsā n kēes wēnd Sorā puga)

La Wēnd sēn leb n sōng-a ne malegsā.

La nabiyaam-rāmba,puusg la tıgr be b yīnga, sēn kō b nebā kibanoodo ne Tēn-tuumā a Muhammad nabiyaamdemā -Wēnd puusg la A tıgr be a yīnga- la sēn be sēn kō-b sū-noogr ne-a woongā, ya a Muusa, la a Daawooda, la a Sulaymaane, la a Iisa, tıgr be b yīnga, la zēng sēn ka bāmba sēn yi IIsraeel koambā nabiyaam-rāmbē wā.

La sēn lagem ne tagmas-rāmb yam pugē la bilgr-rāmb (5) nins sēn togsde tı yam sōng sakd n reeg-a wā.

La Aayae-bāmbā, ne daliil-dāmbā, la bilgr-rāmb nins sēn yaa yammokr wēngē wā, b yaa būmb sēn sāeeg n yadg Alkurāan wagellā la Nabiyaamā Sunnah puga, la α tagmas-rāmbā waoogame n yud geelgo, ned ning sēn rat n na n yals a zugu, bı a ges Alkurāan wagellā la Nabiyaamā Sunnah gaf-rāmbē, la Nabiyaamā Surā wā (vumā kibay) rēnd kibar vēeneg be b pugē sēn kēed ne tagmas-kāensā.

La tagmas-kāensā sēn yaa bed-bedā sā n rag n ka yīē, a zabd-n-taasā sēn yaa Kurayš kıfr-rāmbā la Yahud-rāmba la Nasaar-rāmba, sēn rag n be Laarab-rāmbā zamaanē wā, b rag n na paam sēka n yags-a la b bugs nebā n yı-a.

La Alkurāan wagellā, yēnda la gaf ning Wēnd sēn tums tı tug A Tēn-tuum a Muhammad nengē wā -Wēnd puusg la A tulgr be a yīnga-yēndā me yaa bōn-naands Naabā Goamā, la Wēnd geesa ninsaalbā la zīn-dāmba tı b wa ne a bilg-n-taare, maa suura α yembre sēn wōnd wa a Suur-rāmbā a yembre, la geesgā ka bak n beē n tı tāag rūnda, la ka tōe ye. la Alkurāan wagellā, a leokda sogsg wusgo sēn yirbd neb tus kēema wusgo. La Alkurāan zısgā yaa būmb b sēn gū n tı tāag rūndā ne Laarabiimd ningā a sēn sig ne wā, baa gom-bil a yembr ka boog a pugē ye, yaa būmb me sēn wē n yiisi (ēmprime) tı b sāeeg-α, a yaa gaf sēn yaa zısgo n komsd α geesdbā, yē me la gaf sēn yud zıslēm sēn wa nebā nengē, tı sōmb tı b karem-a maa b karem a maanā wā sēn lebg ne bu-zēmsā goamā. La ned ning a lak-n-ges la a sıd-kūun sēn pōsg a soaba, ad sōma gill pōsg yēnda, Wala Tēn-tuum a Muhammad Sunnah -Wēnd puusg la A tulgr be a yīnga- la a na-kēndrā la a Surā wā (a vumā kibay), yaa būmb sēn gūusi, n rik tı lolme, n tū ne togsdb b sēn tar bas-m-yam ne b rāmba, yē me yaa būmb sēn ēmprime (wē n yiisi) ne Laarabiimd ninga Tēn-tuum a Muhammad -Wēnd puusg la A tulgr be a yīnga- sēn gom ne-α wā tı yaa wala a ket n vu tōnd suka. A yaa būmb me sēn lebg n tug buud gom-rāmb wusgo, la Alkurāan wagellā ne Nabiyaamā Sunnah -Wēnd puusg la A tulgr be a yīnga- bāmbā b yiibā la yēgr α yembr tāa b sēn yākd lıslaoongā buudo la a Šari-rāmbā a pugē.



## 6- Šari ninga Těn-tuumã a Muhammad sěn wa ne-a wã, Wěnd puusg la A tulgr be a yīnga-

---

Šari ning Těn-tuumã a Muhammad sěn wa ne-a wã -Wěnd puusg la A tulgr be a yīnga- yě la lslaoongã Šari, yaa yěndã me n pids Wěnd Šari-rãmbã la Wěnd těn-tumã, la yě me sã n yaa a yěgě wã, a wōnda wala nabiyaam-rãmb nins sěn reng taorã Šari-rãmbã, baa tı b yalě wã sã n yōsa taaba.

Yě me la Šari pitgã, a yaa bũmb sěn sakd zamaan la zīg fãa pugě, nebã dīinã la dūni manegr be a pugě, yě me yaa bũmb sěn kumb tũudmã fãa gill sěn yaa tulae n rog yembsã tı b maan-a Wěnd yīnga sěn yaa bōn-naands Naandã, wala Puusgo la Zaka, a leb n vēnegdě n wiligda bãmba tumd-n-taarã arzek weengě la baooobã la nebã vuism-n-taarã, la Těms zãab (politikã) yela la zaba la ween-n-vuga koglg yela, sěn sakd a pugě la sěn ka sakde, la zěng sěn ka rěnda sěn yaa bũmb ning nebã vumã sěn tar tulsem ne-a la b yaoolem raarã.

La Šari-kãngã gũuda nebã dīina la b zumã la b burkĩndã la b arzegsã la b yamã la b koambã, a yaa bũmb sěn tigim zug-sōmse la manegr buud fãa, la a bugsd n yit tuum beed fãa la maan wěng fãa, a boondame n tugd ninsaal waoogre, la těng-n-sugre la těeg turga la pu-peelem la yulgre la maan-tı-yı-sōma la noanglem, la rat-neer ne nebã la b zumã gũusgu la těmsã laafi, la a leb n gidgd nebã pelmes yıkre tu ka tũ ne hake ye. La Těn-tuumã a Muhammad -Wěnd puusg la A tulgr be a yīnga- a rag n yume n zabd ne kedgrã la sãangã a yalě la a kōbgã

fāa, la a zabd ne zīri-beedā la nebā zāagrā la Labiimdu (welg-n-bas dūni n teeg tūudum bala).

La Tēn-tuumā a Muhammad -Wēnd puusg la A tulgr be a yīnga- a vēnegame n wīnig tū Wēnd waooga ninsaala, rapa la pagba, la A gūus a hake-rāmbā fāa gill n kō-ba, la A maan-a tū yēndā n tukd a yam yākrā ye le la a tuumā la a manesmā fāa, la A leb n rogl-a yē sēn tum tuum buud fāa gilli sēn namsd a menga maa namsd neb a taabā, yaa yē la b sokda, la A maan paga la rao tū yaa yembre, sā n yaa sid-kūunā wēngē la reeg-m-zugē wā wēngē la rolbā la yel-sōmdā wēngē. La bee Šari-kāngā pugē ning-m-toaag sēn welg zalle ne paga, zem t'a yaa ma maa paga maa a yaa bi-pugla maa tǎo-poaka.

La Šari ninga Tēn-tuumā a Muhammad sēn wa ne-a wā -Wēnd puusg la A tulgr be a yīnga- a waame n na n gū yamā, la a gidg būmb fāa sēn sāamd-a, wala rāam yūubu, rēnd lūslaamdā a maaname tū dīinā yaa vēnem n toond yamā t'a ruk a sorā, buul yīng tū ninsaal na tū a Soabā ne pu-tēer la bāngre, la lūslaoongā Šari wā zēka yamā yelle la a maan-a tū yaa yēnda la tuumā roglg tēega, la a loadg-a n yi zīri-beed la rog-m-mikā bāense la rubsa yela.

La lūslaoongā Šari wā a zisgda bāng-sōngo, la a leb n pirsd bāngr pēes bao n bāng, sēn pidg n zāag ne yōor yamleoogo, la a boond n tug tū b tags n ges yōorā la ween-vuuga wēngē, la būmb ninga b sēn yiisd bāngr pēes n bao n bāngā pugē wā a sā n yī sōma a pa kusd būmb ning Tēn-tuumā-Wēnd puusg la A tulgr be a yīnga- sēn wa ne wā ye.

La pa be Šari wā pugē, welg n yiis kōbgo nebā pugē tū yaa yē n yud tū ka tū ne gōbg a taaba ye. Yudlem leb n ka be beenē ne neb a taaba

nin-zěms zug ye. B fāa gilli a buudā pugē b yaa yembre, bala nebā fāa gilli b yēgrē wā yaa yembre, yudlem ka be ne kōbgo kōbg a to zugu leb n ka be ne neba neb a taabā zugu rēnda ne Wēnd zoεeg bala. La Tēn-tuuma a Muhammad -Wēnd puusg la A tulgr be a yīnga- kōo kibare tū ned sēn rog fāa a rogda Fıṭrā (Wēnd naanegā) zugu, ned ka be ninsaalbā pugē n rogdē t'a yaa tudgd ye, maa a rık nin-zēng tudgr faad ye.

İslaoongā Šari pugē Wēnd maana tuubgu, yēnda me la: ninsaal lebs a meng Wēnd nengē la a bas zunuubā, la İslaoongā a wurda būmb ning sēn renga taorā sēn yaa zunuubā, la tuubgā a sūkda būmb ning sēn reng a taorā sēn yaa zunuubā fāa, rēnd tulsem ka be tū f maan reeg-m-zugē n na n togs f zunuub-rāmbā bōn-naandsā taor ye. Rēnd İslaoongā pugē tōk-n-taare ytame ninsaalā ne Wēnd suka turga, rēnd a ka tar tulsem n tug neda t'a yū tēng-n-sugre foom ne Wēnd suk ye, rēnd İslaoongā gudgdame tū b wa maan neba tū b yaa wēnd-dāmba maa lagem-n-taase ne Wēnd ye, zem tū yaa A Wēndİmē wā maa A Soabendē wā.

La Šari ninga Tēn-tuumā a Muhammad -Wēnd puusg la A tulgr be a yīnga- sēn wa ne wā, a yēesda Šari-rāmb nins sēn reng taorā, bala İslaoongā Šari ning Tēn-tuumā a Muhamaad Wēnd puusg la A tulgr be a yīnga, sēn wa ne tū yū Wēnd nengē wā, yēnda la Šari-rāmbā fāa baasdga, n na n tug n tāag dūni wā yikr raare, a yaa bōn-naandsā fāa gill yīnga, rē n kūt t'a yēes Šari-rāmba sēn reng taorā, wala Šari-rāmb nins sēn reng taorā me sēn yēes taabā. La Wēnde A Naam yulgame n zēke, A ka reegd Šari zēng tū ka İslaoongā Šari ye, A ka reegd dīin me tū sā n ka İslaoongā dīin ye, Tēn-tuuma a Muhammad -Wēnd puusg la A tulgr be a yīnga- sēn wa n-a soabā. La ned ning sēn wa n

tug kē dīin zēng tī ka lslaoongā b ka na n tol n reeg a yīng lae-lae ye. La ned ning sēn rat n bāng Šari-kāngā buodā sēn welse, bu a bao n bāng gaf-rāmb nins pusē b sēn tar bas-m-yam ne-a wā, gaf-rāmb nins sēn wiligd lslaoongā sēn yaa a soabā.

Ad lslaoongā Šari wā raabā -sēn yaa wala Wēnd tēn-tumā fāa raabā- yaa tī dīin sudā zēnk ninsaala, tī a yī yamba sēn welg toor ne wēnd sēn yaa bān-naandsā Naabā, la a baa-ga n yī ninsaalbā maa āndūni wā maa yel-yaals yembdo.

Ad lslaoongā Šari wā, a yaa būmb sēn manege zamaan fāa la zīig fāa pugē, la ka be a pugē būmb sēn pōnd ne ninsaal raab nins sēn manega ye. bala a yaa būmb sēn siki n yī Wēnd nengē, sēn mi būmb ninga nebā sēn tar tuslem ne-a wā. La nebā tara tulsem n tug Šari sēn yaa sōma a toore, sēn ka yidgd taab ye, sēn manegd ninsaalba, tī pa ned baa a yembre n yēmbg-a ye, la a yitame n yaa b sēn deege n yī Wēnd nengē, t'a peegd nebā n tugd sōma la kāndagr sore. Rēnd b sā n tall-a n bu b yela manegda me la b paam tulgre n yī bāmb ne taab wēgdā.



## 7-A zabd-n-taasã yãnesg zīiga la b kaset-rāmba maanego ne-a

---

Sik ka be ti Nabiyaam fāa tara a zabd-n-taase, ti b maand-a beem la b yās a boolgã sor zugu, n gti nebã ti b ra kō sid ne-a ye. La Wënd Tēn-tuumã a Muhamad -Wënd puusg la A tulgr be a yīnga- a rag n tara zabd-n-taas wusgo, a vumã wakat la a kuumã poorē, la ad Wënd sōng-a lame t'a tōog-b fāa gilli. La kaset-rāmb pugla taaba sēn yi b wusgã fāa nengē - kudgo la paalm-paalem- t'a yaa Nabiyaama, la ad a waa ne wala būmb ninga nabiyaam-rāmb nins sēn reng taorã sēn wa ne wã, puusg la tulgr be b yīnga, la ad bāmb miime t'a bee sid zugu, la ad yel gidigs wusgo n gidigd-b wusgã fāa ti b ka kōt sid ne-a ye, wala zugundã noanglem maa nebã zoese, maa yaa ligd ning a sēn paamde a naamã poorē wã kongr rabeem..





# Content

---

NE WĒND YUURĀ ALBARKA, SĒN YA A DŪNI GŪBG N YOLS NAABĀ, N Ya a YaOOLEM RaaR WELG N YOLS NAABĀ! .....	4
1-A YUURĀ, LA A BUUDĀ, LA TĒNG NINGα A SĒN ROGE LA A BI A PUGĒ WĀ. ....	5
2-ALBARK FURĀ LOESE NE ALBARK PAGĀ: .....	6
3-WAHI WĀ (TUMSGĀ) SINGRE.....	7
4- A TĒN-TUMDĀ .....	14
5- A NABIYAAMDMĀ TAGMAS-RĀMBĀ LA A DALIIL-RĀMBA .....	17
6- ŠARI NINGα TĒN-TUUMĀ A MUHAMMAD SĒN WA NE-α WĀ, WĒND PUUSG LA A TILGR BE A YĪNGA- .....	20
A ZABD-N-TAASĀ YĀNESG ZĪIGA LA B KASET-RĀMBA MaaNEGO NE-A .....	24
СОДЕРЖАНИЕ .....	خطأ! الإشارة المرجعية غير معرفة.



موسوعة المصطلحات الإسلامية  
TerminologyEnc.com



موسوعة تضم ترجمات المصطلحات  
الإسلامية وشروحاتها بعدة لغات



موسوعة الأحاديث النبوية  
HadeethEnc.com



موسوعة تضم ترجمات للأحاديث  
النبوية وشروحاتها بعدة لغات



موسوعة القرآن الكريم  
QuranEnc.com



موسوعة تضم تفاسير وتراجم  
موثوقة لمعاني القرآن الكريم

IslamHouse.com



مرجعية مجانية إلكترونية  
موثوقة للتعريف بالإسلام



منتقى  
المحتوى الإسلامي



موسوعة تضم المنتقى من  
المحتوى الإسلامي باللغات

# لغة 100 الإسلام أكثر من لغة

جمعية خدمة المحتوى  
الإسلامي باللغات



جمعية الدعوة  
وتوعية الجاليات بالربوة



رسول الإسلام